

Prof. dr. sc. Rahman Nurković, redovni profesor na Odsjeku za geografiju Prirodno-matematičkog fakulteta Univerziteta u Sarajevu, uža naučna oblast „Društvena geografija“, **predsjednik Komisije**

Prof. dr. sc. Alma Pobrić, vanredna profesorica na Odsjeku za geografiju Prirodno-matematičkog fakulteta Univerziteta u Sarajevu, uže naučne oblasti „Društvena geografija“ i „Turizam“, **član**

Prof. dr. sc. Haris Gekić, vanredni profesor na Odsjeku za geografiju Prirodno-matematičkog fakulteta Univerziteta u Sarajevu, uže naučne oblasti „Društvena geografija“, **član**

VIJEĆU PRIRODNO-MATEMATIČKOG FAKULTETA UNIVERZITETA U SARAJEVU

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), člana 104. Statuta Univerziteta u Sarajevu, prijedloga Vijeća Odsjeka za geografiju od 30.12.2021. godine i Odluke Vijeća Univerziteta u Sarajevu - Prirodno-matematički fakultet sa elektronske 30.sjednice, održane 06.01.2022.godine, Dekan Fakulteta je donio Rješenje broj: 01/06-3325/2-2021 od dana 06.01.2022.godine kojim smo imenovani u Komisiju za pripremanje prijedloga za izbor SARADNIKA u zvanje VIŠEG ASISTENTA za oblast „Društvena geografija“ na Odsjeku za geografiju Prirodno-matematičkog fakulteta Univerziteta u Sarajevu – 1 izvršilac sa punim radnim vremenom.

Komisija je dobila zadatka da na osnovu prijave na konkurs, objavljenog 09. 12. 2021. godine u dnevnom listu „Dnevni Avaz“, na web-stranici Prirodno-matematičkog fakulteta i na web-stranici Univerziteta u Sarajevu, Izvoda iz Zakona o visokom obrazovanju Kantona Sarajevo (Službene novine Kantona Sarajevo, broj: 33/17, 35/20 i 40/20), Izvoda iz Statuta Univerziteta u Sarajevu i Podsjetnika za pisanje referata za izbor nastavnika i saradnika Univerziteta u Sarajevu, podnese Izvještaj sa prijedlogom Vijeću Univerziteta u Sarajevu - Prirodno-matematički fakultet, u roku koji ne može biti duži od 45 dana od isteka roka za podnošenje prijave na konkurs, odnosno najkasnije do 07.02.2022. godine.

Na osnovu uvida u dostavljenu dokumentaciju Komisija podnosi slijedeći

I Z V J E Š T A J

Nakon pregleda priložene dokumentacije Komisija konstatuje da se na raspisani Konkurs objavljen u dnevnom listu „Dnevni Avaz“, na web stranici Prirodno-matematičkog fakulteta i na web stranici Univerziteta u Sarajevu od 09. 12. 2021. godine prijavila: **Mr. Aida Avdić**, asistentica na Odsjeku za geografiju Prirodno-matematičkog fakulteta Univerziteta u Sarajevu, kao jedini kandidat.

Kandidat se prijavio u zvanje viši asistent za oblast „Društvena geografija“ na Odsjeku za geografiju Prirodno-matematičkog fakulteta Univerziteta u Sarajevu.

Na osnovu dostavljene potvrde broj: 02/01-3167/2-2021.godine od dana 28.12.2021. godine od strane Komisije Fakulteta: Jasmina Hasanbegović, dipl. iur., sekretar Fakulteta, dr. Samir

Dug, redovni profesor i Jasmina Mujkić, dipl. iur., se pored ostalog konstatuje da je **Mr. Aida Avdić**, asistentica Odsjeka za geografiju Prirodno-matematičkog fakulteta Sarajeva **blagovremeno** 20.12.2021. godine, dostavila urednu prijavu na Konkurs/Natječaj za radno mjesto **SARADNIKA** u zvanju **VIŠI ASISTENT**, za oblast „**Društvena geografija**“ i „**Turizam**“ na Odsjeku za geografiju Prirodno-matematičkog fakulteta Univerziteta u Sarajevu – 1 izvršilac sa punim radnim vremenom.

Uz prijavu na konkurs, Mr. Aida Avdić je priložila sljedeće dokumente:

- Biografiju i bibliografiju radova;
- Izvod iz matične knjige rođenih i uvjerenje o državljanstvu;
- Diplomom o završenom I ciklusu studija;
- Diplomom o završenom II ciklusu studija;
- Dodatak diplomom I ciklusa studija;
- Dodatak diplomom II ciklusa studija;
- Dokaz o provedenom izbornom periodu u zvanju asistenta;
- Dokaz o pohađanju trećeg ciklusa studija – potvrda o studijskom statusu;
- Srebrnu značku Univerziteta u Sarajevu za I i II ciklus studija;
- Dokaz o poznavanju engleskog jezika;
- Potvrda o učešću na ERASMUS+ nastavnoj razmjeni na Palackom univerzitetu u Olomoucu, Češka Republika;
- Potvrdu o učešću u projektu „Komparativna analiza prostornog razvoja održivog turizma u zaštićenim područjima Bosne i Hercegovine i Slovenije“;
- Potvrda o članstvu u Organizacijskom odboru 7. ITHMC kongresa;
- Certifikat kao dokaz o učešću na 7. Međunarodnom kongresu o turizmu i hotelijerstvu (ITHMC) 2021. godine;
- Certifikat o uspješno položenim modulima u oblasti pedagoškog obrazovanja i jačanja kompetencija akademskog osoblja univerziteta u Sarajevu (TRAIN);
- Uvjerenje za učešće u Programu obuke akademskog nastavnog osoblja iz oblasti inkluzivnog obrazovanja u okviru projekta „Visoko obrazovanje – obrazovanje za sve“;
- Potvrda o sudjelovanju na 7. hrvatskom geografskom kongresu;
- Certifikat kao dokaz o učešću na 5. Međunarodnom kongresu o turizmu i hotelijerstvu (ITHMC) 2019. godine, kao i moduliranju sesije u okviru Kongresa;
- Certifikat o učešću na ERASMUS+ nastavnoj razmjeni na Univerzitetu u Debrecenu (Earth Sciences);
- Komplet naučnih i stručnih radova i sažetaka radova objavljenih od izbora u zvanje „Asistent“ na ukupno 70 listova (plus publikacija Praktikum – demografske analize);

1. BIOGRAFSKI PODACI

1.1. BIOGRAFSKI PODACI KANDIDATA

Mr. Aida Avdić rođena je 09. oktobra 1992. godine u Makarskoj (R. Hrvatska). Osnovnu i srednju školu je završila u Maglaju (Opća gimnazija Edhem Mulabdić). Prvi i drugi ciklus studija geografije pohađala je na Odsjeku za geografiju Prirodno-matematičkog fakulteta u Sarajevu. Odbranom diplomskog rada 2015. godine stekla je zvanje “Bakaleureat geografije – regionalno i prostorno planiranje”, a odbranom završnog rada 2016. godine stekla je zvanje „Magistar geografije – regionalno i prostorno planiranje“. Za ostvareni uspjeh tokom prvog i drugog ciklusa studija odlikovana je Srebrnom značkom Univerziteta u Sarajevu. U junu

2018. godine izabrana je u zvanje „Asistent“ za nastavno-naučne oblasti „Društvena geografija“ i „Turizam“ na Odsjeku za geografiju PMF-a u Sarajevu. Od 16. jula iste godine je i zaposlena na Prirodno-matematičkom fakultetu Univerziteta u Sarajevu. Godine 2019. je upisala doktorski studij geografije pri Geografskom odsjeku PMF-a Sveučilišta u Zagrebu (Studiji stanovništva). Trenutno je druga studijska godina, a u decembru 2021. godine odbranila je naslov doktorske teze (Geografski aspekt proučavanja pograničja – primjer Bosne i Hercegovine). Njen znanstveno-istraživački rad usmjeren je na oblasti društvene geografije, naročito demogeografske teme, a potom i turizam Bosne i Hercegovine. U koautorstvu je objavila nekoliko naučnih i stručnih radova, kao i publikaciju Praktikum – demogeografske analize, te je učestvovala na više skupova o temama iz geografije, zaštite životne sredine, turizma i prostornog planiranja.

1.2. NAPREDOVANJE U OBRAZOVANJU

- **2019.** – danas
Studentica Dokorskog studija geografije: prostor, regija, okoliš, pejzaž pri Geografskom odsjeku Prirodno-slovnno-matematičkog fakulteta Sveučilišta u Zagrebu (Modul: Studiji stanovništva); odbranjen naslov teme dokorskog rada: Geografski aspekt proučavanja pograničja – primjer Bosne i Hercegovine
- **2016.**
Odbranjen završni – magistarski rad pod naslovom “Demogeografske karakteristike Federacije Bosne i Hercegovine kao osnova prostornog planiranja ” na Odsjeku za geografiju PMF UNSA. Stečeno zvanje “Magistar geografije – regionalno i prostorno planiranje”
- **2015. - 2016.**
Student drugog ciklusa studija geografije (master studij) – regionalno i prostorno planiranje, na Odsjeku za geografiju Prirodno-matematičkog fakulteta Univerziteta u Sarajevu
- **2015.**
Odbranjen diplomski rad pod naslovom “Demogeografske promjene općine Maglaj u periodu 1991 – 2013. godine” na Odsjeku za geografiju Prirodno-matematičkog fakulteta Univerziteta u Sarajevu. Stečeno zvanje “Bakalaureat geografije – regionalno i prostorno planiranje”
- **2011. - 2015.**
Student prvog ciklusa studija geografije – regionalno i prostorno planiranje na Odsjeku za geografiju Prirodno-matematičkog fakulteta Univerziteta u Sarajevu
- **2007 – 2011.**
Učenik Opće gimnazije, „Edhem Mulabdić“ Maglaj
- **1999 – 2007.**
Učenik osnovne škole, „Sulejman Omerović Car“ Maglaj

1.3. KRETANJE U SLUŽBI

- **2018. – aktuelno:**

Zaključen ugovor o radu sa Prirodno-matematičkim fakultetom. Izbor u zvanje “Asistent” za nastavno-naučne oblasti “Društvena geografija” i “Turizam ” na Odsjeku za geografiju Prirodno-matematičkog fakulteta Univerziteta u Sarajevu. (priložena Odluka o izboru u zvanje asistenta, br. 01-876/18, od 27.6.2018. godine – Senat i Odluka Prirodno – matematičkog fakulteta o izboru u zvanje asistenta broj 01/06-1102/8-2018 od 10.7.2018. godine);

2. NAUČNI I STRUČNI RAD KANDIDATA

2.1. NAUČNI I STRUČNI RAD KANDIDATA DO IZBORA U ZVANJE „ASISTENT“

A. NAUČNI I STRUČNI RADOVI

- Pabrić, A.; Avdić, A., Demografske karakteristike i promjene Zeničko – dobojskog kantona, Zbornik radova Četvrtog kongresa geografa Bosne i Hercegovine, 2015., 121 – 133;
- Avdić, A., Demogeografske promjene općine Maglaj u periodu 1991 – 2013., Diplomski rad, Odsjek za geografiju Prirodno-matematičkog fakulteta Univerziteta u Sarajevu, 2015.
- Avdić, A., Demogeografske karakteristike Federacije Bosne i Hercegovine kao osnova prostornog planiranja, Magistarski rad, Odsjek za geografiju Prirodno-matematičkog fakulteta Univerziteta u Sarajevu, 2016.
- Avdić, A.; Jašić, Dž., Novi trendovi poljoprivrednog razvoja općine Maglaj, Acta geographica Bosniae et Herzegovinae, 5 (2016), 107-116 (domaća recenzija, prethodno priopćenje);

2.2. NAUČNI I STRUČNI RAD KANDIDATA NAKON IZBORA U ZVANJE “ASISTENT”

A. NAUČNI I STRUČNI RADOVI

- Čaušević, A.; Mirić, R.; Avdić, B.; Avdić, A.; Džaferagić, A.; Organized Travel vs Individual Travel—the Case of Sarajevo, The Central European Journal of Regional Development and Tourism, 1 (2021), 13, 95-121 (recenziran članak);
- Hrelja, E.; Sivac, A.; Avdić, A.; Džaferagić, A., Analysis of Land Cover Changes in the Area of the Town of Goražde, Geografski pregled, 1 (2020), 37-43; (recenziran članak);

- Banda, A.; Korjenić, A.; **Avdić, A.**, Gastronomic Tourism in the Central Bosnia Region, *Journal of Tourism and Hospitality Management*, 6 (2020), 6; 7-25; (recenziran članak);
- Pobrić, A.; Avdić, A., Depopulacija i starenje stanovništva u Kantonu 10 – Bosna i Hercegovina, *Zbornik radova 5. Kongresa geografa Bosne i Hercegovine* 5(2020), 108-120; (recenziran članak);
- Banda, A.; Korjenić, A.; **Avdić, A.**; Sivac, A., Ecotourism in the Protected Areas of the Federation of Bosnia and Herzegovina: A Case Study of Natural Monument "Tajan", *Geografski pregled*, (2019), 41; 69-85 (recenziran članak);
- Avdić, B.; **Avdić, A.**; Sivac, A., Depopulativni procesi u naseljima regije Visokog krša u Bosni i Hercegovini, *Knjiga sažetaka sedmog hrvatskog geografskog kongresa, Hrvatsko geografsko društvo* (2019), str. 89-92. (recenziran sažetak)
- **Avdić, A.**; Banda, A.; Korjenić, A.; Sivac, A.; Novi trendovi avanturističkog turizma sa osvrtom na Bosnu i Hercegovinu (sažetak i prezentacija), *Naučno-stručna konferencija Odsjeka za geografiju Prirodno-matematičkog fakulteta u Sarajevu „Outdoor turizam u Bosni i Hercegovini – stanja i perspektive“*, Sarajevski festival turizma, KJP Centar Skenderija, Sarajevo, 25.10.2019. (2019), str. 99.

RECENZIRANI UDŽBENICI I KNJIGE

- Pobrić, A.; **Avdić, A.**, *Praktikum - demografske analize*, Sarajevo: Prirodno - matematički fakultet Univerziteta u Sarajevu, (2021) (recenzirani praktikum).

Analiza radova:

- Čaušević, A.; Mirić, R.; Avdić, B.; **Avdić, A.**; Džaferagić, A.; *Organized Travel vs Individual Travel—the Case of Sarajevo*, *The Central European Journal of Regional Development and Tourism*, 1 (2021), 13, 95-121 (recenziran članak);

Kratak opis rada: *Organizirana putovanja Vs individualna putovanja – primjer Sarajeva*

Sarajevo je vrlo zanimljiva turistička destinacija. Zvanična statistika Kantona Sarajevo pokazuje da turisti obično posjećuju Sarajevo pojedinačno. Svrha ovog rada bila je istražiti razlike između stranih turista koji su u Sarajevo došli pojedinačno i onih čije je putovanje organizirala putnička agencija. Cilj istraživanja bio je uporediti strane turiste sa aspekta načina putovanja i odnos prema deklaraciji o zadovoljstvu turista turističkom destinacijom, opšti kvalitet ponude turističke destinacije, ukupno zadovoljstvo i lojalnost. Za potrebe istraživanja korištena je deskriptivna statistika i Mann – Whitney U test. Rezultati su pokazali da strani turisti koji su posjetili Sarajevo pojedinačno imaju pozitivniji stav o vrijednosti te su deklarativno turisti zadovoljniji turističkom destinacijom, te su zbog toga i spremniji ponovno posjetiti Sarajevo u budućnosti nego strani turisti koji su posjetili preko turističke agencije/drugog organizatora. Također, pokazalo se da nema statistički značajne razlike

između posjetitelja koji su posjetili Sarajevo pojedinačno i posjetitelja koji su Sarajevo posjetili posredstvom turističke agencije / drugog organizatora u smislu općeg kvaliteta destinacijske ponuda, te se zaključuje da postoji sveprisutno zadovoljstvo i namjera da preporuče Sarajevo svojim prijateljima i rodbini.

-Hrelja, E.; Sivac, A.; **Avdić, A.**; Džaferagić, A., Analysis of Land Cover Changes in the Area of the Town of Goražde, *Geografski pregled*, 1 (2020), 37-43; (recenziran članak);

Kratak opis rada: *Analiza zemljišnog pokrivača grada Goražda*

Predmet istraživanja rada je analiza promjena zemljišnog pokrivača na području grada Goražda. U periodu nakon 1995. godine u cijeloj Bosni i Hercegovini vidljivo je da je neadekvatno prostorno planiranje rezultiralo značajnim nepovoljnim promjenama zemljišnog pokrivača. Istraživanje ima za cilj utvrditi intenzitet promjena u posljednjih nekoliko decenija na istraživanom području kada je u pitanju zemljišni pokrivač. Analiza je zasnovana na topografskim kartama iz 1980. godine, Google Earth snimcima, zatim Corina Land Cover snimcima iz 2000., 2006., 2012. i 2018. godine. Istraživanje na ovu temu je provedeno kroz nekoliko faza. Prvi dio rada odnosi se na određivanje geografskog položaja istraživanog područja i definiranje svih njegovih komponenti. Drugi dio rada bavi se detaljnom analizom promjena svih kategorija zemljišnog pokrivača u posljednjih dvadesetak godina. Treći dio rada obuhvata komparativnu analizu kvantitativnih i kvalitativnih pokazatelja pokrovnosti zemljišta grada Goražda. Kompletan postupak analize obavljen je pomoću GIS-a, gdje su kreirane odgovarajuće baze podataka i izvršena kartografska vizualizacija istraživanog područja.

-Banda, A.; Korjenić, A.; **Avdić, A.**, Gastronomic Tourism in the Central Bosnia Region, *Journal of Tourism and Hospitality Management*, 6 (2020), 6; 7-25; (recenziran članak);

Kratak opis rada: *Gastronomski turizam u regiji Središnja Bosna*

Atraktivnost hrane, posebno nacionalne, jedna je od predispozicija za razvijanje određenih oblika turizma: ruralnog, ekoturizma, gastronomskog i enogastronomskog turizma u čijem fokusu je hrana koja je zdrava i organska. Iako hrana nije osnovni turistički motiv za mnoge turiste, sve je prisutniji trend manifestacionog turizma, festivali hrane, gdje je gastronomija središnji ili prateći motiv manifestacije. Step en valorizacije gastronomskog turizma u regiji Središnja Bosna je na veoma skromnom nivou. Na području ove regije ne postoji značajniji interes za razvoj ovog oblika turizma od strane turističkih organizacija ali i lokalnih i kantonalnih vlasti. Prije svega, ne postoje sistemski poticaji stanovništva za razvoj gastronomskog turizma u seoskim domaćinstvima i predstavljanje tradicionalnih proizvoda posjetiocima. Također, ne postoji interes kod stručnih osoba iz oblasti turizma i kulinarstva za izradu strategije i modula za unapređenje gastronomske ponude.

Regija Središnja Bosna ima veliki potencijal za organsku proizvodnju jer posjeduje nezagađeno zemljište, klimatske pogodnosti i brojne poljoprivredne proizvođače, a tradicionalno bavljenje poljoprivredom dovelo je do finalnih proizvoda koji mogu predstavljati nacionalne, regionalne pa i internacionalne brendove.

Osnovni cilj ovog rada jeste da izvrši identifikacija vodećih gastronomskih potencijala kojima raspolaže istraživano područje, te da se ukaže na nužnost stavljanja istih u funkciju razvoja određenih vidova turizma.

-Pobrić, A.; Avdić, A., Depopulacija i starenje stanovništva u Kantonu 10 – Bosna i Hercegovina, Zbornik radova 5. Kongresa geografa Bosne i Hercegovine 5(2020), 108-120; (recenziran članak);

Kratak opis rada: Depopulacija i starenje stanovništva u Kantonu 10 – Bosna i Hercegovina

U radu autori razmatraju demografske karakteristike Kantona 10 između popisa stanovništva provedenih 1991. i 2013. godine. Proces depopulacije, posebno u ruralnim područjima, sve je intenzivniji zbog izraženih nepovoljnih trendova u dinamici demografskih procesa. Kanton 10, u zapadnom dijelu Bosne i Hercegovine odabran je za studiju slučaja problema depopulacije kao regije koja je čak i gradove Kantona ostavila u situaciji ekstremno slabe naseljenosti. Kanton se suočava sa demografskim starenjem i stalnim smanjenjem upisa djece u prve razrede osnovnih škola. Objašnjena je uzročna veza između procesa opšte depopulacije, a rezultati ukazuju na njihove dalekosežne nepovoljne efekte na budući razvoj kantonalnog stanovništva.

-Banda, A.; Korjenić, A.; **Avdić, A.**; Sivac, A., Ecotourism in the Protected Areas of the Federation of Bosnia and Herzegovina: A Case Study of Natural Monument "Tajan", Geografski preglad, (2019), 41; 69-85 (recenziran članak);

Kratak opis rada: Ekoturizam u zaštićenim područjima Federacije Bosne i Hercegovine: Studija slučaja Spomenik prirode Tajan

U posljednjih dvadeset godina u turističkom sektoru izrađaju se novi trendovi, a jedan od njih je i ekoturizam kao odgovor na pretjerano iskorištavanje neobnovljivih resursa za potrebe turizma. Ljudi na putovanju žele doživjeti prirodu, ali ne moraju svojim boravkom ugroziti prirodno okruženje. Bosna i Hercegovina ima manje od 1% zaštićene teritorije, što je svrstava u zemlje sa najmanjom površinom pod formalnom zaštitom u Evropi. Regionalni prosjek je 7%, pa je cilj, koji u posljednje vrijeme podržavaju međunarodne institucije u Bosni i Hercegovini kroz različite inicirane projekte, proširiti zaštićena područja i iskoristiti njihov razvojni potencijal. Motivi su zaštita izuzetno bogatog biodiverziteta od globalnog značaja, te ekonomski razvoj zaštićenih područja, lokalnih zajednica i države u cjelini. Osnovna svrha ovog rada je objasniti značaj ekoturizma, s posebnim osvrtom na njegov razvoj u zaštićenim područjima Federacije Bosne i Hercegovine, kao primjer spomenika prirode Tajan. Područje Tajan je jedino zaštićeno područje u Zeničko-dobojskom kantonu. Prema IUCN klasifikaciji pripada V kategoriji zaštite. Analizirajući postojeće stanje njegove sadašnje turističke valorizacije, kao i mogućnosti korištenja u turističke svrhe u budućem razvoju, u ovom radu su identifikovani osnovni problemi i date smjernice za promociju ekoturizma na ovom području.

-Avdić, B.; **Avdić, A.**; Sivac, A., Depopulativni procesi u naseljima regije Visokog krša u Bosni i Hercegovini, Knjiga sažetaka sedmog hrvatskog geografskog kongresa, Hrvatsko geografsko društvo (2019), str. 89-92. (recenziran sažetak)

Kratak opis rada: *Depopulativni procesi u naseljima regije Visokog krša u Bosni i Hercegovini*

Depopulacija krških predjela je trend koji je dugotrajno prisutan u dinarskoj oblasti, što je fenomen također izražen i u susjednim državama. Naročito se to odnosi na ruralna naselja, obzirom na limitirane uslove za razvoj poljoprivrede i provođenje različitih infrastrukturnih projekata. Posljednja ratna dešavanja su ubrzala već postojeće depopulacijske procese, koji su tako zahvatili veći dio Bosne i Hercegovine, ali ne jednakim intenzitetom. Ove tendencije su primarno izražene u ruralnim područjima. Osnovni cilj ovog rada jeste utvrđivanje stanja opće depopulacije u regiji Visokog krša, kako na nivou cijele regije, tako i njenih sastavnih administrativnih jedinica (prvenstveno posmatrano kroz općine), ali i pojedinačnih naseljenih mjesta (urbanih i ruralnih). Za to su korišteni podaci sa posljednja dva popisa stanovništva, iz 1991. i 2013. godine, čijom se analizom došlo do presjeka demografskog stanja u ovim pasivnim i ekonomski najslabije razvijenim dijelovima Bosne i Hercegovine.

-Avdić, A.; Banda, A.; Korjenić, A.; Sivac, A.; Novi trendovi avanturističkog turizma sa osvrtom na Bosnu i Hercegovinu (sažetak i prezentacija), Naučno-stručna konferencija Odsjeka za geografiju Prirodno-matematičkog fakulteta u Sarajevu „Outdoor turizam u Bosni i Hercegovini – stanja i perspektive“, Sarajevski festival turizma, KJP Centar Skenderija, Sarajevo, 25.10.2019. (2019), str. 99.

Sažetak:

Outdoor ili avanturistički turizam je novi koncept u turističkoj industriji, a kao poseban oblik turizma u posljednjih je deset godina doživio snažan rast,. Prema organizacijama koje se bave turizmom i terminologijom iz ove oblasti avanturistički turizam predstavlja aktivnosti koje podrazumijevaju fizički napor, kulturalnu razmjenu kao i aktivnosti u prirodi. Speleoturizam, planinsko penjanje, ekoturizam, kampiranje, pecanje, rafting i ronjenje samo su neki od oblika ove vrste turizma. Avanturistički turizam je jedna od najbrže rastućih grana koji direktno i indirektno utiče na zapošljavanje, a tako i na rast cjelokupne ekonomije, privlači strane turiste, a veliki značaj se ogleda i u zaštiti prirodnih resursa. Ovaj trend prepoznat je i na području Bosne i Hercegovine, čemu u prilog ide i podatak da fondovi za projekte u oblasti turizma podrazumijevaju i ističu važnost avanturističkog turizma kroz promociju turističkih potencijala zemlje. U usporedbi sa zemljama u regionu BiH turizam je na početku svog razvoja ali raznovrsnost prirodnih resursa i netaknuta priroda predstavljaju veliki potencijal za razvoj ove atraktivne grane. Cilj ovog rada je da istakne glavne trendove u razvoju avanturističkog turizma u svijetu, kao i stanje i perspektive istoga u Bosni i Hercegovini.

-Pobrić, A.; Avdić, A., Praktikum - demografske analize, Sarajevo: Prirodno - matematički fakultet Univerziteta u Sarajevu, (2021) (recenzirani praktikum).

Kratak opis publikacije: **PRAKTIKUM – DEMOGRAFSKE ANALIZE**

Praktikum je namijenjen je studentima I ciklusa studija na Odsjeku za geografiju, koji izučavaju predmete Demogeografija i Stanovništvo u regionalnom i prostornom planiranju. Namjera autorica je da studenti steknu vještine i znanja za samostalno prikupljanje ili pronalaženje, obradu i analizu demografskih podataka. Primijenjena geografska znanja i vještine imaju veliki značaj u rješavanju mnogih stvarnih društvenih, ekonomskih i ekoloških problema. Geografija kao kompleksna nauka ima za predmet proučavanja i stanovništvo

svijeta sa njegovim savremenim promjenama u kvantitativnom i kvalitativnom smislu. Tematika stanovništva je jedna od najkompleksnijih prilikom razmatranja zakonitosti razvoja ljudskog društva, te zbog toga privlači pažnju šireg spektra istraživača, od geografa preko sociologa i demografa do marketinških stručnjaka. Geografski pristup ima istaknuto mjesto u demografskim analizama, a primjena populacijsko-geografskih znanja i vještina obuhvata razumijevanje i rješavanje kompleksnih problema, na svim prostornim nivoima, od lokalnog do globalnog. U posljednje vrijeme sve više slabi granica između izvornih demografskih i demogeografskih radova, a područje saradnje istraživača iz ovih oblasti ogleda se upravo u primjeni geografskog informacijskog sistema (u nastavku GIS). Shodno prethodno navedenom, Praktikum ima za cilj da studentima geografije predoči primjer jedne sveobuhvatne demografske analize iskoristive u različite svrhe, a naročito za potrebe prostornog planiranja. Za svaku sadržajnu jedinicu, dostupan je i urađen primjer, u vidu karte, dijagrama i sl.

B. NAUČNO-ISTRAŽIVAČKI PROJEKTI

- **Bilateralni naučno-istraživački projekt** “Komparativna analiza prostornog razvoja održivog turizma u zaštićenim područjima Bosne i Hercegovine i Slovenije”.
Naručilac i finansijer projekta: Federalno ministarstvo obrazovanja i nauke
Period realizacije: 2021 –2023.,
Pozicija: mladi istraživač.
Projekt u toku.
– priložena potvrda Prirodno-matematičkog fakulteta Univerziteta u Sarajevu (br. 01/01-3137/1-2021, od 14.12.2021. godine)

C. UČEŠĆE NA MEĐUNARODNIM I DOMAĆIM NAUČNIM KONGRESIMA, KONFERENCIJAMA I SIMPOZIJIMA

- **2021.:** Međunarodna konferencija/kongres o turizmu i hotelijerstvu (ITHMC) u organizaciji Odsjeka za geografiju Prirodno-matematičkog fakulteta Univerziteta u Sarajevu i Akdeniz Univerziteta iz Antalije (Republika Turska) održana u period 15-19. septembra 2021. godine u Sarajevu; Učešće u organizaciji skupa (priložena potvrda);

Učešće u ERASMUS+ razmjeni (teaching mobility) u periodu od 22.11 – 26.11.2019. godine na Palacki Univerzitetu u Olomoucu, Češka Republika (realizacija nastave od 8 nastavnih sati) (priložena potvrda);

- **2020.:** 5. Kongres geografa u Bosni i Hercegovini u organizaciji Geografskog društva u Federaciji Bosne i Hercegovine i Odsjeka za geografiju Prirodno-matematičkog fakulteta Univerziteta u Sarajevu održan u periodu 18-20. novembra 2020. godine u Sarajevu; Učešće sa radovima (koautorski radovi): “Depopulacija i starenje stanovništva u Kantonu 10 – Bosna i Hercegovina” i “Analiza promjene pokrovnosti zemljišta na području grada Goražda”;
- **2019.:** Sarajevski festival turizma (41. Međunarodni sajam turizma, ugostiteljstva i turistička berza; 8. Međunarodni sajam hotelsko-ugostiteljske opreme i catering), Centar

Skenderija, Sarajevo, 23-25. oktobar 2019. godine; Predavanje na temu “Outdoor turizam u Bosni i Hercegovini – stanja i perspektive”.

Međunarodna konferencija/kongres o turizmu i hotelijerstvu (ITHMC) u organizaciji Prirodno-matematičkog fakulteta Univerziteta u Sarajevu i Zenith Group Sarajevo, 2019. godine, Budapest. Učešće sa radom: “Ecotourism in the Protected Areas of the Federation of Bosnia and Herzegovina: A Case Study of Natural Monument "Tajan"; (priložena potvrda);

Učešće na 7. hrvatskom kongresu geografa u Čakovcu od 9. do 11. oktobra 2019. godine, u organizaciji Hrvatskog geografskog društva (priložena potvrda);

Učešće u Programu obuke akademskog nastavnog osoblja iz oblasti inkluzivnog obrazovanja u okviru projekta “Visoko obrazovanje – obrazovanje za sve (VOzaSVE/HE4ALL)” u trajanju od 9 sati Programa u periodu od 18-19. juna 2019. godine (u sklopu projekta “Dijalog za budućnost”, koji implementiraju UNDP, UNICEF i UNESCO u partnerstvu sa Predsjedništvom Bosne i Hercegovine), Ured za podršku studentima Univerziteta u Sarajevu (priložena potvrda);

Učešće u Programu cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu (TRAIN) u periodu od septembar – oktobar 2019. godine, Sarajevo (priložena potvrda);

Učešće u ERASMUS+ razmjeni (teaching mobility) u periodu od 25.3 – 29.3.2019. godine na Univerzitetu u Debrecenu, Mađarska (realizacija nastave od 8 nastavnih sati) (priložena potvrda);

D. NASTAVNO-PEDAGOŠKI RAD KANDIDATA NAKON IZBORA U ZVANJE “ASISTENT”

Nakon izbora u zvanje asistenta, **Mr. Aida Avdić** je realizovala programe vježbi za više nastavnih predmeta iz oblasti “Društvene geografije” i “Turizam” na prvom ciklusu studija pri Odsjeku za geografiju Prirodno-matematičkog fakulteta.

Mr. Aida Avdić je do sada realizirala i realizira vježbe za slijedeće predmete:

- Demogeografija
- Opća ekonomska geografija
- Saobraćajna geografija
- Industrijska geografija
- Turizam i privreda
- Privreda u regionalnom i prostornom planiranju
- Stanovništvo u regionalnom i prostornom planiranju
- Stanovništvo u regionalnim i prostornim planovima
- Turizam i globalizacija
- Humana geografija
- Konceptija i metodologija regionalnog i prostornog planiranju
- Uzroci geokoloških neravnoteža

Na osnovu zapažanja rukovodioca Odsjeka i rezultata ankete studenata Odsjeka za geografiju Prirodno-matematičkog fakulteta Univerziteta u Sarajevu, Komisija konstatuje da je kolegica Mr. Avdić povjerene nastavne obaveze u prethodnom izbornom periodu obavljala odgovorno i savjesno. Mr. Aida Avdić je značajno doprinijela organizaciji nastavnog procesa on-line od nastanka pandemije sars-cov-2 virusa u martu 2020. godine, kao i u odsječkim poslovima (administracija odsječke web stranice i promocija Odsjeka za geografiju).

E. SARADNJA SA INSTITUCIJAMA RELEVANTNIM ZA STRUČNU I NAUČNU OBLAST

Mr. Aida Avdić je u proteklom izbornom periodu ostvarila funkcionalnu saradnju iz oblasti društvene geografije sa kolegama i institucijama, kako iz Bosne i Hercegovine, tako i inostranstva. Poseban vid saradnje kroz stručno usavršavanje i učešće u izradi stručnih i naučnih radova te projekata ostvaren je sa Geografskim odsjekom Prirodoslovno-matematičkog fakulteta Sveučilišta u Zagrebu (R. Hrvatska), Oddekom za geografiju Fakulteta za humanističke studije Univerze na Primorskem u Kopru (R. Slovenija), Earth Sciences (University of Debrecen -Mađarska), Department of geography, Faculty of Science (Palacky University – Češka Republika).

F. ČLANSTVO U PROFESIONALNIM TIJELIMA I DRUGI PROFESIONALNI ANGAŽMANI

- Član organizacionog odbora 7. ITHMC kongresa (International Tourism and Hospitality Management Conference) u organizaciji Odsjeka za geografiju Prirodno-matematičkog fakulteta Univerziteta u Sarajevu i Akdeniz Univerziteta iz Antalije (Republika Turska) održane u period 15-19. septembra 2021. godine u Sarajevu (priložena ovjerena kopija certifikata);

3. ZAKLJUČAK

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), člana 104. Statuta Univerziteta u Sarajevu, prijedloga Vijeća Odsjeka za geografiju od 30.12.2021 godine i Odluke Vijeća Univerziteta u Sarajevu - Prirodno-matematički fakultet sa elektronske 30.sjednice, održane 06.01.2022. godine, Dekan Fakulteta je donio Rješenje broj:01/06-3325/2-2021 od dana 06.01.2022.godine kojim smo imenovani u Komisiju je detaljno pregledala svu dokumentaciju koja je dostavljena uz prijavu za izbor saradnika u naučno-nastavno zvanje viši asistent za užu naučnu oblast “Društvena geografija” na Odsjeku za geografiju Prirodno-matematičkog fakulteta Univerziteta u Sarajevu. Nakon cjelovite analize dostavljene dokumentacije Komisija zaključuje slijedeće:

- Kandidat, Mr.Aida Avdić, ispunjava sve opće uslove definisane u Konkursu/natječaju za izbor u zvanje **VIŠEG ASISTENTA** za oblast “Društvena geografija” objavljenog 09.12.2021. godine u dnevnom listu “Dnevni Avaz”, web-stranici Prirodno-matematičkog fakulteta i web-stranici Univerziteta u Sarajevu, Zakonu o visokom obrazovanju Kantona Sarajevo (“Službene novine Kantona Sarajevo”, broj: 33/17, 35/20 i 40/20) i Statuta Univerziteta u Sarajevu, za radno mjesto **VIŠI ASISTENT** za oblast “DRUŠTVENA

GEOGRAFIJA” na Odsjeku za geografiju Prirodno-matematičkog fakulteta Univerziteta u Sarajevu – 1 izvršilac sa punim radnim vremenom;

- Kandidat, Mr. Aida Avdić je u svojoj prijavi na konkurs navela da konkuriše za izbor u naučno-nastavno zvanje **viši asistent** za oblast “**Društvena geografija**” na Odsjeku za geografiju Prirodno-matematičkog fakulteta Univerziteta u Sarajevu;
- Kandidat, Mr. Aida Avdić, ispunjava sve uslove za izbor u zvanje saradnika u zvanje VIŠI ASISTENT za oblast “Društvena geografija” na Odsjeku za geografiju Prirodno-matematičkog fakulteta Univerziteta u Sarajevu, propisane članom 96., stav (b) Zakona o visokom obrazovanju (“Službene novine Kantona Sarajevo, br.: 33/17, 35/20 i 40/20) i članom 194. stav (b) Statuta Univerziteta;
- Kandidat, Mr. Aida Avdić, posjeduje diplome visoke stručne spreme – bakalaureat geografije i magistar geografije –regionalno i prostorno planiranje sa ukupno 300 ECTS bodova postignutih tokom studija;
- Kandidat, Mr. Aida Avdić od 2019. godine je student III ciklusa, Doktorskog studija geografije: prostor, regija, okoliš, pejzaž (Studiji stanovništva) pri Geografskom odsjeku Prirodoslovno-matematičkog fakulteta Sveučilišta u Zagrebu;
- Kandidat,, Mr. Aida Avdić , završio je prvi ciklus studija geografije sa prosječnom ocjenom 8,91, a drugi ciklus studija sa prosječnom ocjenom 9,67 (ukupan prosjek ocjena je 9,02);
- Kandidat, Mr. Aida Avdić, dobitnica je Srebrene značke Univerziteta u Sarajevu za postignut uspjeh na Prvom i Drugom ciklusu studija;
- Kandidat, Mr. Aida Avdić, je izabrana u zvanje asistenta 27.06.2018. godine i u tom je zvanju provela Zakonom o visokom obrazovanju Kantona Sarajevo predviđeni izborni period;
- Kandidat, Mr. Aida Avdić, je od izbora u zvanje asistenta objavila u koautorstvu ukupno 6 stručnih i naučnih radova u publikacijama koje prate relevantne međunarodne i domaće baze podataka, te su u koautorstvu objavljena i 2 sažetka radova;
- Kandidat, Mr. Aida Avdić, je od izbora u zvanje asistenta aktivno učestvovala u radu 5. i 7. ITHMC kongresa/konferencije i 5. Kongresa geografa u Bosni i Hercegovini;
- Kandidat, Mr. Aida Avdić, posjeduje naučno-stručno i pedagoško iskustvo stečeno tokom učešća u realizaciji brojnih konferencija, seminara i projekata;
- Kandidat, Mr. Aida Avdić, je u periodu nakon izbora u zvanje asistenta učestvovala u organizaciji 7. ITHMC kongresa/konferencije;
- Kandidat, Mr. Aida Avdić, je u periodu nakon izbora u zvanje asistenta uključena u svojstvu mladog istraživača u realizaciju jednog međunarodnog projekta;

- Kandidat, Mr. Aida Avdić učestvovala je u dvije ERASMUS+ nastavne razmjene (teaching mobility) od po pet radnih dana sa realiziranih po osam sati nastave (Palacky Univerzitet u Olomoucu i University of Debrecen u Debrecenu).
- Kandidat, Mr. Aida Avdić, naučnim opusom je nadmašila minimalne uslove predviđene Zakonom o visokom obrazovanju za izbor u zvanje viši asistent;
- Kandidat, Mr. Aida Avdić, je stekla pedagoško iskustvo kroz nastavno-naučnu aktivnost u zvanju asistenta;
- Kandidat, Mr. Aida Avdić, poznaje i koristi engleski jezik na B2 poslovnom nivou;
- Kandidat, Mr. Aida Avdić, je državljanin Bosne i Hercegovine i Federacije Bosne i Hercegovine.

4. PRIJEDLOG

Na osnovu svestrane analize dostavljenog materijala traženog konkursom koji je Komisija dobila na uvid i uvažavajući zakonske propise koji regulišu ovu oblast, Komisija konstatuje da Mr. Aida Avdić, asistent na Odsjeku za geografiju Prirodno-matematičkog fakulteta Univerziteta u Sarajevu, ispunjava sve, Zakonom o visokom obrazovanju Kantona Sarajevo (Službene novine Kantona Sarajevo, broj: 33/17, 35/20 i 40/20) i Statutom Univerziteta u Sarajevu, propisane uslove za izbor u naučno-nastavno zvanje VIŠI ASISTENT za naučnu oblast "Društvena geografija".

Na osnovu navedenog, Komisija sa zadovoljstvom predlaže Vijeću Prirodno-matematičkog fakulteta Univerziteta u Sarajevu da prihvati prijedlog Komisije i Mr. Aidu Avdić, asistenta na Odsjeku za geografiju Prirodno-matematičkog fakulteta Univerziteta u Sarajevu, izabere u zvanje VIŠEG ASISTENTA za oblast "Društvena geografija".

U Sarajevu, 17.01.2022. godine

KOMISIJA:

Dr. sc. Rahman Nurković, redovni profesor, **predsjednik**

Dr. sc. Alma Pobrić, vanredna profesorica, **član**

Dr. sc. Haris Gekić, vanredni profesor, **član**